

1827

TUM DANTIBUS QUÆSTUM MERETRICIUM. B

aliorum necessitatibus consulere, & utilitatibus velificari potest
sui ipsius incuriosus? Aliorum igitur gratia se ipsum quoque
servare convenit: Ut adeo non tantum sibi iniqui existant,
sed in alios etiam injuriosi, qui sui coram gerunt nullam, nec
qua ratione vitam suam protrahant, quicquam pensi habent.
Sed uti studio sui omnibus omnino viribus incumbendum est; 3
sic animus etiam uniuscujusque officii & honesti sensu ac amore
ante omnia imbuendus, & ad commode tolerandam vitam
socialem formandus: Ut libido subeat neminem, se ipsum
cum aliorum malo & incommodo servandi. Quod fieri nequit,
nisi amor sui intra cancellos honestatis coërceatur, caveaturque
sedulo, ne quis sui unius fautor, aliis vel molestus, vel noxius
evadat. Quapropter tempestivè certum aliquod & honestum
vitæ genus eligendum est, unde quisque alimenta sibi ad vitam
transigendam necessaria quærere & parare queat. In eo enim 4
homo tanquam præstantissimum Deoque charissimum animal
à cæteris animantibus distat, quod hæc ex raptu vivant, & sine
discrimine honestatis vel turpitudinis ea, quæ sibi sunt necessaria,
quærant: Homo vero honestis mediis citra aliorum damnum
vel injuriam se sustentare satagat, turpia verò vivendi media
cane pejus & angue aversetur ac fugiat. Imo uti nemo bonus 5
turpi quæstui inhiat unquam, ita lucra turpiter quæsita possessoribus
suis invident jura, quippe quæ nec ad hæredes perventura
voluerunt. *L. 5. pr. ff. d. Calumniat.* Inter ejusmodi vero lucra
turpia jure optimo referendus venit, quem examini nostro sub-
jicimus, *Quæstus meretricius.*

Ut verò indoles hujus quæstus eo melius nobis innotescat, 6
subjectum recipiens, à quo denominatur, necessario excutien-
dum erit. Istud autem cum primis constituunt *meretrices*. Quæ 7
nam igitur meretrices dicantur, ex jure non adeo difficile est de-
terminare: Quippe in quo meretrix propriè audit ea, quæ pa-
lam quæstum facit, *L. palam. 43. pr. ff. de ritu nupt.* Palam
autem quæstum facere dicitur, quæ se passim sive sine delectu
omnibus vel pluribus committit, *d. l. 43. §. 1. ff. de R. N. add.*